



KALAALLIT NUNAANNI TIMERSOQATIGIIT KATTUFFIATA ANINGAASANIK AGGUAASSERIAASAA NUTAAQ

Sisamangornermi ulloq 10. februar 2021 siulersuisut ataatsimiinneranni aaliangiunneqarpoq Kalaallit Nunaanni Timersoqatigiiffiit Kattuffia aningaasanik agguaasseriaasissaa nutaaq. Nutaamik agguaasseriaasissap 1. januar 2022-imiit maannamut agguaasseriaaseq atorneqartoq taarsissavaa.

1. EQIKKAANEQ

Periuusissap nutaap atuutilersinneqarneranut peqqutaavoq GIF-ip kattuffiini nukissat aningaasallu atorluarneqarnerulernissaat, nunatsinni timersorneq annertunerusumik pitsaanerusumillu peqatigiiffippassuarni angujumallugu.

Kattuffiit timersuutiminnik siunnerfilersugaalluartumik ineriartortitsinissaat periarfissillugu nukittorsaavigiumavarput, taamaalilluta GIF-ip anguniagai ingerlatseriaaseriniagaalu timitalerumallugit, kattuffiit piginnaasaqarfisamikkut avitseqatiginninnerisigut.

Kissaataasimavoq nutaamik siunissamut isigisumik agguaasseriaasissamik tunngavissiiinissaq. Siuliatigut periutsit ilinnarfigissavagut, siunissamulli pilersaarusiit suliniutissallu nunatsinni timersorneq ineriartortitsinissusaapput. Agguaariaasissaq nutaaq kattuffiit tamarmik ataasiakkaarlutik ineriartortitsillualernissaannut tunngaviliisussaaq, takorluukkallu 2030-imi nunarsuarmi timimik aalatitsinerpaanngornissap kattuffiit GIF-illu peqatigiillutik piviusunngortinniarnissaannut qulakkeerinnilluni.

Aningaasanik agguaasseriaasissap nutaap piumasaqaatit marluk piviusunngortissavai: 1) Siullertut isumannaarneqassaaq kattuffinnut tunngaviusumik aningaasaliisutigineqartalerussat tunniunneqassasut, , taamallu ilillutik kattuffiit tunngaviusumik ingerlatakkatikingelatiinnarniassammatigit.

2) Aappaattut ineriartortitsineq qulakkiissavaa. Kattuffiit ajunnginnerpaamik peqatigiiffimminnut ilaasortaminnullu ineriartortitsinissaminnut, tapersersuinissaminnut, neqerooruteqartarnissaminnullu sinaakutassaaqassapput. Kattuffinni ineriartortitsineq *Iliuseriniakkanut tapersiut, Ineriartortitsinermullu aningaasaliisutit* atorlugit tapersersorneqassaaq:

Iliuseriniakkanut tapersiut ukiut pingasut atuuttassaaq, kattuffiillu tamaasa iluminni timersuutiminnillu ineriartortitsinissaannik periarfissittassavaat, GIF-ilu

Ineriartortitsinermut aningaasaliisutit nutaaliornernut tassannganarnerusunullu piviusunngortitsinissanut periarfissiisuusapput. Taamaalillutik kattuffiit GIF-ilu piffissani pineqartuni allanngorapiloortoqartillugu ineriartornermut tulluarsaallaqinnerutissallugit.





Agguaasseriaaseq nutaaq aqquqigalugu GIF-ip ingerlatsinermut tapiissutaasartut 65%-ii toqqaannartumik kattuffinnut tunniuttassavai. 30%-ii iliuuseriniakkatut isumaqatigiissusiaq tunngavigalugu tunniunneqartassallutik. Kiisalu 5%-it sinneruttut ineriartortitsinissamut atatillugu qinnuteqarnikkut aallerfigineqarsinnaasutut immikkoortinneqassapput, taakkulu kattuffiit tamarmik ingerlaavartumik qinnuteqarfigisinnaasassavaat..

Agguaasseriaasissaq, tapiissutillu pingasuusut immikkoortoq 2-mi annertunerusumik atuarneqarsinnaapput, kiisalu kakkiussani 1-imi 2-milu suut teknisk-iunerusumik ingerlatseriaatsinullu samminerusut takuneqarsinnaallutik.

Agguaasseriaaseq nutaaq 1. januar 2022-imiit atuutilissaaq, kisianni 2023-imi, 2024-imi aammalu 2025-imi ikaarsaarnermi aaqqiissummik ingerlatsisoqassaaq Tassani qulakkeerniarlugu, kattuffiit ilai sungiusimasaminnit pisartagakillisussat tassangaanaq eqqugaannginnissaat. Ikaarsaarnermut aaqqiissummi ukiuni pineqartuni, kattuffiup 2020-mi pisimasaasa 90%, 80%, 70%-iilu pissavaat. Tassa 2023-imi, 2020-imi pinikuusami 90%-ii pissavai, 2024-imi 80%-ii, kiisalu 2025-imi 70%-ii. Agguaasseriaasissap nassuiarnerata kingorna imm. 3-mi piumasarisaasut agguaasseriisissamullu ilassutit allaaserineqarput.

2. AGGUAASSERIAASITAASSAMI TAPIISSUTEQARIAASEQ

Uani agguaasseriaasissaq paasinarsarlugu allanneqarpoq, ukulu imarivai: *Ingerlatsinermut tapiisutit, iliuuseriniakkanut tapiisutit, ineriartortitsinermut aningaassalissutit.*

2.1 INGERLATSINERMUT TAPIISSUT

Ingerlatsinermut tapiisutit siunertarivaat, kattuffiit ingerlatsinerminni tunngaviusimik aningaasartuutiminnik matussusiisinaanissaat. Tassani pineqarlutik allaffissornermut, ataatsimiinernut, unammiaaarnernut, pissartanngorniunnernut, peqatigiiffiillu isumaginerinnut aningaasartuutit. Taakkua piumasarineqartut nalilersuiffigineqarneri tunngavigalugit agguaanneqartassallutik.

Ingerlatsinermut tapiissut tamakkiisumik tapiissutaasartut 65%-erivaat, ataanilu immikkoortortatut allanneqartut iluini sukumiinerusumik nassuiarneqarlutik:

- Tunngavittut tapiissutaasartuq
- Sammisaqartitsinermut tapiissutaasartut
- Ilaasortat akuliusimallutik suleqataasut
- Peqatigiiffiit klubillu ingerlasut





Tunngavittut tapiissut – Kattuffinnut tamanut tunniuttagaavoq. Taanna kattuffimmut ataatsimut 350.000,- kr.-uvoq, ilaasortat kattuffiullu ataani peqatigiiffiit klubillu qassieneri apeqquataatinnagit.

Sammissasaqartitsinernut tapiissutit – 2022-imi kattuffinnut agguasassat aaliangersimasuugallarput. Suut sammisaqartitsinermut tapiissutit iluaniittassanersut qulaajarneqareerpata 2023-imiit nikerartunik tunniussisoqartalissaaq. 2022-imi kattuffiit tamarmik immikkut 220.000 kr.-nik sammisaqartitsinermut tapiiffiqeqassapput.

Peqatigiiffiit ingerlataqartut – peqatigiiffiit kattuffiup GIF-ip ilaasortanut nalunaarsuiffianut ikkussornikuusai, ilaasortaqaassutsillu kalerriutiginiikuusai. Nalunaarsuiffik ukiumut marloriarlugu nutarterneqartarpoq (31. juni aamma 31. december) – *ingerlatsinermullu tapiissutaasartut* 18%-ii peqatigiiffiit qassieneri tunngavigalugit tunniunneqartarput.

Ilaasortat uninngaannartuunngitsut – tassaapput ilaasortatut kattuiffiup GIF-ip ilaasortanut nalunaarsuiffianut nalunaarutigisimasaat. Taannalu aamma ukiumut marloriarlugu (31. juni aamma 31. december) nutarterneqartarpoq – *ingerlatsinermullu tapiissutigineqartartut* 37%-ii ilaasortat qassieneri tunngavigalugit agguanneqartarput.

./. Ingerlatsinermut tapiissutip kisitsisinngorlugu allaaserineqarnera, immikkut ilanngussami takuneqarsinnaavoq (ilanngussaq 1)

2.2 SIUNERTAT TUNNGAVIGALUGIT TAPIISSUT

Tapiissut taanna kattuffiit iliuuseriniagai tunngavigalugit tunniunneqartarput. Kattuffiit iluminni timersuutimilu iluani ineriartortitsinissaq pillugu GIF-ilu isumaqatigiissusiortussaapput.

Oqaloqatigiinnermi tunngaviusarput kattuffiit anguniakkaninnik, periuuseriniakkaminnik, ilisimasatillu pillugit saqqummiussassaat Kattuffiit tamarmik immikutt GIF-ilu isumaqatigiissuteqartarnissaat siunnerfiuvoq, isumaqatigiissutilli immikkuullarissuugamik imarisamikkut aningaasallu qassiunerisa iluini assigiinngisitaartassapput. Iliuseriniakkanut isumaqatigiissutit aallaavittut ukiut pingasut atuuttassapput, kattuffiit iliuuseriniakkatut periuusererusutaminnik saqqummiinerisigut ilusilersorneqartassalluni.

Kattuffiit iliuuseriniakkatut periuusererusutaminnillu saqqummiinissaat pillugu, GIF siulersuisui allattoqarfialu qanimut suleqataanissaminnik neqerooruteqarput.

Isumaqatigiissusiaq tunngaviusumik ukiuni pingasuni atuuttusanngorlugu isumaqatigiissutigineqartassapput. Pitsaanerumillu suleriaasissap ilikkarnissaanut periarfissiilluarumalluta, ukioq siulleq misiliummik ingerlatsiviusaaq (sammisaqartitsinermut tapiissutinut pissuseq assigalugu). Tassa imaappoq, 2021-imi isumaqatigiissutigineqartut 2022-imi atuutissapput, 2022-imilu isumaqatigiissusiorneqartussat ukiuni pingasuni atuukkumaarlutik. Iliuseriniakkatut tapiissut kattuffiup isumaa/siunnersuutaa tunngavigalugu tunniunneqartassaaq.





Iliuseriniakkanut tapiissutip siunertarivaa kattuffiit iluminni timersuutiminnillu siunerfeqarluarluatik piukkunnaateqarfigisaminnillu ineriartortilluarnissaanik tapersersorniarlugit. GIF-ip anguniakkatut siunniullugu aaliangiunnikuusaat aallaavigalugu.

Isumaqatigiissusiat ataatsikkut misissorneqarlutillu aaliangiiffigineqarnissaat siunertaralugu, ineriartortinneri pilersaarusioneqassapput. Ataatsikkut suliarineqarnissaat pingaartorujussuuvoq, tassanimi periarfissatuaammat kattuffiit akornanni iliuuseriniakkat piukkunnassusaaq nalilersussallugit. Taammaattumik iliuuserisassatut isumaqatigiissutissat siullermeersumik 22. maj 2021 naammassineqarsimassapput.

Iliuusissiatut isumaqatigiissutinut inaarutaasumik agguassinnissat, GIF-ip siulersuisuinit aaliangerneqassapput.

Ingerlatsinermut tapissuutit inissisimanerat assigalugu, siumoortumik aaliangersimasoqanngilaq susassaqtitsinerit sorliit taperneqarsinnaanersut. Iliuusissionernilu kattuffiit ikiorneqassapput siunnerfilersorluagaasumik periusissionissaq suliarisinnaaniassammassuk, taamatullu immikkuullarissumik periarfissaminnik ineriartortitsisinnaaniassammata.

Siunnerfiunngilaq, kattuffiit nutaanik nassaarsiornissaat aningaasanik pissarsisinnaanissartik angusinnaajumallugu. Iliuseriniakkatut isumaqatigiissusiami imarisaasinnapput siusinnerusukkut iluatsittumik ingerlanneqartarsimasut ingerlateqqinnissaannut. Imaalluarsinnaavorlu kattuffiup allap tunngaviummik timersuutaa, kattuffimmut allanik tungaveqartuusumut nutaatut ineriartortitassatut isumassarsiorfiusut.

./ Iliuseriniakkanut tapiissutip immikkut allaaserineqarnera kakkiussami (bilag 2) takuneqarsinnaavoq.

2.3 INERIARTORTITSINISSANUT ANINGAASAT ILLIKARTITAT

Una suliniutinut atatillugu qinnuteqarfissiaavoq, kattuffiit peqatigiiffiillu tamarmik qinnuteqarfigisinnaasaat. Qinnuteqarfiusinnaasup siunertarivaa tassanngaanarnerusut sivikinnerusumilluuniit ineriartortitsinermut suliniutit tapiiffigineqarsinnaanerulernissaat. Soorlu suliniutit pisariaqartitsineq periarfissallu malillugit takkuteriataartartunut.

Taamaattut ineriartortitsinissamut aqqutissiuussisuussapput nutaaliornerrullutillu. GIF-imilu siulersuisut inerisaanissamut sammisunut aningaasanik qinnuvigineqarsinnaasoq, tunngavissanik nutaanik utaqqiisaasumik aaliangersaaffigisinnaavaa.

Suliniutit ineriartortitsinermut sammisut tapiissuteqarfigineqarsinnaasut soorlu assersuutigalugu tassaasinnapput timersuutit akimorlugit ineriartortitsiniarluni suliniutit, suliniutit inuiaqatigiinnut sammisut imalt. pilersaarutit kattuffiit immineq siursaaviginissaanut tunngasut, soorlu assersuutigalugu aqutsisunik ineriartortitsinissamik imaqtartut il.il.

3. AGGUAASSERIAASISSAMUT ILANNGUSSAQ





IKAARSAANERMI AAQQISSERTISSAQ

Agguaasseriaatsimik nutaamik pilersitinerup malitsigisaanik ilaat aningaasanik ikinngerusunik ilaallu amerlanerusunik pissarsisalissapput. Eqaatsumik ilinniarfiusumillu ikaarsaaneq isumannaarumallugu ikaarsaarnissamut ukiut pingasut atorniarnearput.

Matusissutsip annertussusia: 2022-imi: 2020-imi tapiissutisarisimasat 90%-ii

Matusissutsip annertussusia: 2023-imi : 2020-imi tapiissutisarisimasat 80%-ii

Matusissutsip annertussusia: 2024-imi: 2020-imi tapiissutisarisimasat 70%-ii

Ikaarsaarnermi aaqqiissuteqarnikkut isumannaarniarneqarpoq nutaamik agguaasseriaaseqalernerpeqqutigalugu kattuffiit aningaasaqarnermikkut ajornartorsulinnginnissaat aammalu kattuffiit GIF-illu pilersussanut nutaanut sungiussinissamut periarfissaqartinnissaat. Ikinnerusunik tapiissuteqarsinnaanerit ineriartortitsinermut aningaasanik qinnuteqarfigineqarsinnaasumi aningaasanit tiguneqartassapput. Taanna ikaarsaarnarup ingerlanerani pisarnermit ikinnerusunik aningaasanik tigussaasunik imaqtussaajumaarpoq.

AMMASUMIK SULINEQ

Nutaamik agguaassisarnissamut ilaasussatut aaliangiunneqarpoq, GIF-ip kattuffiillu ukiumut naatsorsuusiaat GIF-ip nittartagaatigut tamanit takuneqarsinnaasunngorlugit avammut takusassiarineqartalernissaat, missigersuusiarineqartartut ilanngullugit.

Suleriuseq aallartinneqassaaq anguniarlugu missingersuutit naatsorsuutillu pillugit assigiinnerusunik nalunaarusiortarnissaq, taassuma ataani aamma suliniutigineqassalluni ataatsimoorussamik kontoplan-issamik inerisaanissaq aammalu suliniutigineqassaaq naatsorsuutit missingersuutinillu saqqummiussinerit ataatsikkut pisalernissaat.

ILAASORTAQASSUTSIT TUNNGAVIGALUGIT AGGUAASSINERIT

Agguaasseriaasissamut nutaamut ilaalersinneqassasoq aamma aaliangiunneqarpoq, tassani pimoorunneqalissalluni GIF-ip allaffissornermi iluani assigiinngitsunit ilaasortatut tunuliaqutaasut amerlassusiisa malinnaaffigisinnaalernissaat, tassanilu misissorneqassapput systemit suleriutsillu, ilaasortanik nalunaarsuinerni tamanut atorneqarsinnaasut, mianeralugit immikkoortillugit specialforbundini peqatigiiffinnilu kajumissutsimik suleqataasartut piffissamik piginnaasaminnillu atuisarnerat. Tamatumunnga atatillugu sulisut piffissamik atuisarnerat. Tamatumunngalu atatillugu BRND, GIF-imut, specialforbundinut peqatigiiffinnullu digital platforminik tunniussuisarsimasoq isumaqatigiissusiorfigineqarpoq, ilaasortat pitsaannerusunik nalunaarsorsinnaanissaannut piumasarineqartumut tunuliaqutsiissutaasinnaasumik.

Taaneqartullu saniasigut aaliangerneqarpoq siunissami specialforbundit ilaasortaqassusii naatsorsorneqartalissasut, taakkunani "tapersersuisut" ilanngunneqaratit, ilaasortat kisimik tunngavigineqartalissammata.

ATUUTILERNISSAA





Aningaasaqarnermut atatillugu agguasseriaasitaassaq atuutsinneqalissaaq 01. januar 2022-imiit. Ullormiillu tassannga specialforbundit tamarmiusut ineriartortitsinissamut aningaasat illikartitaasut qinnuteqarfigisinnaalissavaattaq.

Kiisalu aalingiunneqarpoq, GIF minneerpaamik ukiut sisamakuutaarlugit ileqquusumik aallartitat ataatsimiitinneranni aningaasanik tapiissuteqariaaseq nalilersortassagaat.

